

Herri-musikak sortzeko laguntzen oinarriak

2018ko 2. deialdia

Deialdi honen guztizko diru-kopurua 27.500 € da

Lehenengoa: eskatzaileak

SGAE Fundazioak **SGAeko autore bazkideek** aurkeztutako laguntzen eskabideak aztertuko ditu, betiere euren jarduera nagusia sinfonikoa ez den musika sortzeko edo letrak idazteko arloan garatzen badute. Hartara, honako hauexetarako egindako proposamenak hartuko dira kontuan: popa, rocka, jazz, ikus-entzunezkoetarako musika, musika elektronikoa, flamenkoa, world musica, saiakuntzazkoa, hip hopa... Gaur egungo musika klasikoaren arloan kokatutako proposamenak (hau da, orkestrarako lanak, ganberakoak eta kontzertuetarako beste formatu batzuk) *Sorkuntzarako Pizgarrien Sistemaren* bidez atendituko dira. Autore bakar batek egindako proiektuak baino ez dira onartuko.

SGAE Fundazioak eskainitako laguntza guztiak kontuan hartuta, autore berak ezin izango du laguntza bat baino gehiago jaso urte berean. Dena dela, badago salbuespenik, bateragarria izango delako *Nazioartean sustatzeko bidaietarako laguntzak* eta beste laguntza batzuk jasotzea.

Bigarrena: proiektuen tipologia

Deialdi honetan, SGAeko autore bazkideek bidalitako proiektuek parte ahal izango dute (lehenengo klausula ikusi), betiere euren helburua musika-lan bat edo batzuk sortzea bada, musika bera sortzen denean, letrak idazten direnean edo bi jardun horietako bat bakarrik garatzen denean. Laguntzak honen helburua ez da erregistro ekoizpen kostuak estaltzeko

Proiektuarekin batera, bere azalpena aurkeztu beharko da, eta, bertan, sorkuntza-prozesuari begira dokumentazioaren eta ikerketaren arloan zer lan egin diren adierazi beharko da xehetasunez. Proiektua 2018ko urtarrilaren 1aren eta 2019ko martxoaren 31ren garatu beharko da.

Proiektu bera ezin izango da SGAE Fundazioko deialdi batean baino gehiagotan aurkeztu.

Hirugarrena: SGAE Fundazioaren ekarpena

Eskabide bakoitzerako zenbatekoa ezin izango da 2.000 eurotik gorakoa izan (zergak barne). Ordainketa oinarri hauetako zortzigarren klausulan zehaztutakoaren arabera egin beharko da hitzarmenarekin lotutako ordainagiriaren bidez, eta PFEZko kasuan kasuko atxikipenak ezarriko dira.

Laugarrena: agiriak

Eskaerekin batera honako agiri hauek egon beharko dira:

1. Behar bezala betetako eskabide-orria.
2. NAN/AIZ/pasaportearen kopia.
3. Eskatzailearen CVA.
4. Laguntzaren helburu izango den sorkuntza-proiektuaren azalpena eta kronograma.
5. Kostuen aurrekontu xehea.

6. Beste erakunde batzuen lankidetzaren ziurtagiria, hala badagokio.
7. Eskatzaileak sinatutako baimena, SGAE Fundazioak deialdi honen esparruan haren datu pertsonalak erabil ditzan.

Bosgarrena: ebaluaziorako irizpideak

Jasotako proiektuak ebaluatzeko, bereziki balioetsiko dira SGAE Fundazioaren Plan Zuzentzailean bildutako alderdiak (Fundazioaren webgunean kontsultatu daitezkeenak); horien artean, ondore horietarako, honako hauek nabarmendu ditzakegu:

1. Autorearen eta gizarte osoaren arteko harremana sustatzea, autore-eskubidearen gaineko pedagogia soziala suspertzea eta kultura eskuratzeko aukera bultzatzea.
2. SGAE Fundazioak lantzen duen errepertorio osoan, adierazpen artistiko berriak eta diziplina anitzeko proiektuak sustatzea.
3. Beste instituzio eta erakunde batzuekin lan egitea.
4. Emakume autoreen partaidetza bultzatzea.

Horrez gain, aurkeztutako aurrekontuen arabera proiektuak daukan bideragarritasuna ere hartuko da kontuan, baita gizartean zein kulturatan izan dezakeen oihartzuna eta, hala badagokio, laguntza hauen bidez esleitutako baliabideen ezarpena ere.

Seigarrena: eskabideen aurkezpena eta epea

1. Eskaeraren inprimakia SGAE Fundazioaren webgunean egongo da eskuragarri: www.fundacionsgae.org Inprimakiaren formatu elektronikoa erabili beharko da, eta eremu guztiak bete beharko dira. SGAE Fundazioak eskaera guztiak jaso izana adieraziko du, eta falta diren agiriak jakinaraziko dizkie dokumentazio osoa aurkeztu ez dutenei. Aurkeztu beharreko dokumentazio guztia ez dagoela adierazten dioten eskatzaileak 15 eguneko gehieneko epea izango du eskaera zuzentzeko, eskaerak aurkezteko epea amaitzen denetik hasita; hau da, 2018ko uztailaren 14eko (larunbata) 24:00ak arte. Eskaera adierazitako epean zuzentzen ez badu, ez da aintzat hartuko.
2. Musika-lan herrikoiak sortzeko laguntzen 2018ko bigarren deialdirako eskaerak aurkezteko epea 2018ko maiatzaren 28an (astelehena) hasiko da, eta irekita egongo da 2018ko ekainaren 29ko (ostirala) 24:00ak arte. Ez dira aintzat hartuko epe horretatik kanpo heltzen diren eskaerak.

Zazpigarrena:eskaeren ebazpena eta prozedura

1. Ebaluazio-batzorde bat arduratuko da arauetan adierazitako baldintzak betetzen dituzten eskaerak aztertzeaz eta ebaluatzeaz.
2. Batzordeak laguntzak emango dituen erabakiko du eta erabakia interesdunei idatziz jakinaraziko die.
3. Batzordearen erabakia apelaezina izango da.
4. Batzordearen ebazpena aldekoa bada, emandako agiriak aldean artean sinatuko den hitzarmenaren espedientearen zati bereizezina izango dira, eta ez dira itzuliko.

Zortzigarrena: lankidetzaren gauzapena

SGAE Fundazioak eta onartutako proiektua duen eskatzaileak lankidetzaren hitzarmen berezia sinatuko du, eta, bertan, ezinbestean agertu beharko dira agiri honetan zehaztutako oinarriak eta ondoren aipatuko dugun informazioa:

1. Alderdi bakoitzaren eskubideak eta betebeharrak.
2. Proiektua hasteko eta amaitzeko epea.
3. Esleitutako laguntzaren zenbatekoa.
4. Ordaintzeko modua.
5. Proiektuaren jarraipena (txostena, ebaluazioa eta SGAE Fundazioaren irudi korporatiboaren daraman materiala eta azken memoria).
6. Laguntza honi esker SGAE en erregistratutako eta abian den lanaren berri SGAE Fundazioari ematearen aldeko konprometua.

Hitzarmena laguntzaren eskatzailearekin gauzatu da, eta oinarri hauetako lehenengo kalusulan adierazitakoa bete beharko du.

Bederatzigarrena: norberaren datuak isilpean gorde eta babestu beharra

Proiektuaren kudeaketan aldeek ematen duten informazio guztia konfidentziala da eta ezingo zaie hirugarrenei ezagutzera eman. Era berean, ezingo da erabili ezarritako helburuetarako ez bada, indarreko legeriak zehaztutako salbuespenetarako ez ezik.

Eskatzaileak borondatez emandako datu pertsonalak SGAE Fundazioaren ardurapeko fitxategi batean gordeko dira, eta laguntzen deialdi honetan eskatzailearen parte-hartzea kudeatzeko erabiliko dira bakarrik. Datu pertsonalen babeserako oinarriko eskubidearen titularrak eskubidea du datuak eskuratzeko, zuzentzeko, ezerezteko, erabilera mugatzeko, beste norabait eramateko eta horien aurka egiteko, baita banakako erabaki automatizatuen xede ez izateko ere. Horiek erabiltzeko helbide honetara idatz dezake: SGAE Fundazioa, Zuzendari nagusiaren arreta, Bárbara de Braganza kalea 7, 28004 Madril. SGAE Fundazioak interesdunak emandako datuak egiazkotzat joko ditu eta usteko du haren egungo egoerarekin bat datozeela. Interesduna behartuta dago aldaketak jakinaraztera, horiek gertatzen diren mementotik aurrera.

Hamargarrena: arau orokorrak

1. Eskatzaileak SGAE Fundazioaren logoa sartuko du proiektuaren sustapenean, hau da, publizitatean, karteletan, katalogoetan, liburuxketan eta antzeko beste batzuetan.
2. Eskaera egiteak esan nahi du eskatzaileak dokumentu honetan ezarritako baldintzak eta oinarriak onartzen dituela eta baimena ematen dio SGAE Fundazioari, emandako laguntza Memoretan eta gainontzeko argitalpenetan zabaltzeko. Aipatutako arauetan adierazitako baldintzaren bat bete ezean, SGAE Fundazioak ez du esleitutako laguntza ordainduko. Dagoeneko ordaindu badu, hautatutakoak zenbateko hori itzuli beharko du, SGAE Fundazioak baldintzaren bat bete ez duela jakinarazten dion mementotik aurrera.
3. Eskatzaileak ez dio SGAE Fundazioari inolako erantzukizunik egotziko, proiektua egiteko eta garatzeko orduan indarreko legeria edonola urratzen duenean.
4. Hitzarmen honen ondorioz, SGAE Fundazioak ez du emandako ekarpena ez den beste erantzukizun zuzen edo subsidiariorik izango proiektua egin eta garatzen denean.
5. Agiri honetan ezarri beharreko legeria Espainiakoa izango da, eta alderdiek berariaz men egingo diote Madrilgo hiriburuko auzitegiaren jurisdikzioari. Beraz, dagokien foruari egingo diote uko.

Informazio gehiago: informacion@fundacionsgae.org